



2024/1032

2.4.2024

**CINNEADH (CBES) 2024/1032 ÓN gCOISTE POLAITIÚIL AGUS SLÁNDÁLA**  
**an 26 Márta 2024**

**maidir le Ceann Mísín ar Mhisean Faireacháin an Aontais Eorpaigh sa tSeoirsia a cheapadh (EUMM Georgia) (EUMM GEORGIA/1/2024)**

TÁ AN COISTE POLAITIÚIL AGUS SLÁNDÁLA,

Ag féachaint don Chonradh ar an Aontas Eorpach, agus go háirithe Airteagal 38, an tríú mír, de,

Ag féachaint do Chinneadh 2010/452/CBES ón gComhairle an 12 Lúnasa 2010 maidir le Misean Faireacháin an Aontais Eorpaigh sa tSeoirsia, EUMM Georgia <sup>(1)</sup>, agus go háirithe Airteagal 10(1) de,

De bharr an mhéid seo a leanas:

- (1) De bhun Chinneadh 2010/452/CBES, údaraítear don Choiste Polaitiúil agus Slándála, i gcomhréir le hAirteagal 38, an tríú mír, den Chonradh, na cinntí ábhartha a ghlacadh chun rialú polaitiúil agus treoir straitéiseach Mhisean Faireacháin an Aontais Eorpaigh sa tSeoirsia (EUMM Georgia) a fheidhmiú, lena n-áirítear an cinneadh Ceann Mísín a cheapadh.
- (2) An 25 Samhain 2022, ghlac an Chomhairle Cinneadh (CBES) 2022/2318 <sup>(2)</sup> lena gcuirtear síneadh le sainordú EUMM Georgia go dtí an 14 Nollaig 2024.
- (3) An 31 Eanáir 2023, ghlac an Choiste Polaitiúil agus Slándála Cinneadh (CBES) 2023/219 <sup>(3)</sup> lena gceaptar Dimitrios KARABALIS ina Cheann Mísín ar EUMM Georgia ón 1 Feabhra 2023 go dtí an 14 Nollaig 2023.
- (4) An 29 Feabhra 2024, mhol Ardionadaí an Aontais do Ghnóthaí Eachtracha agus don Bheartas Slándála go gceapfaí Bettina BOUGHANI mar Cheann Mísín ar EUMM Georgia go dtí an 14 Nollaig 2024.
- (5) Ba cheart, dá bhrí sin, cinneadh a ghlacadh maidir le Bettina BOUGHANI a cheapadh mar Cheann Mísín ar EUMM Georgia ón 1 Aibreán go dtí an 14 Nollaig 2024,

TAR ÉIS AN CINNEADH SEO A GHLACADH:

*Airteagal 1*

Leis seo, ceaptar Bettina BOUGHANI mar Cheann Mísín ar Mhisean Faireacháin an Aontais Eorpaigh sa tSeoirsia (EUMM Georgia) ón 1 Aibreán 2024 go dtí an 14 Nollaig 2024.

*Airteagal 2*

Tiocfaidh an Cinneadh seo i bhfeidhm ar dháta a ghlactha.

Beidh feidhm aige ón 1 Aibreán 2024.

<sup>(1)</sup> IO L 213, 13.8.2010, lch. 43.

<sup>(2)</sup> Cinneadh (CBES) 2022/2318 an 25 Samhain 2022 lena leasaítear Cinneadh 2010/452/CBES maidir le Misean Faireacháin an Aontais Eorpaigh sa tSeoirsia, EUMM Georgia (IO L 307, 28.11.2022, lch. 133).

<sup>(3)</sup> Cinneadh (CBES) 2023/219 an 31 Eanáir 2023 maidir le ceapachán an Chinn Mísín ar Mhisean Faireacháin an Aontais Eorpaigh sa tSeoirsia (EUMM Georgia) (EUMM GEORGIA/1/2023) (IO L 30, 2.2.2023, lch. 16).

Arna dhéanamh sa Bhruiséil, an 26 Márta 2024.

*Thar ceann an Choiste Pholaitiúil agus Slándála*  
D. PRONK  
*An Cathaoirleach*

---